



事物紀原卷之八

漢陽府推官建安陳華批點
致仕教諭南平趙弼校正

(官爵封建門)

爵 公侯伯子男謂之爵。唐虞輯五瑞脩五玉。是五等。自堯
舜始也。禮制文嘉曰。殷爵三等。周五等。或謂黃帝立五
等爵也。

封建 沿華曰。黃帝分州畫野。得百里之國萬區。唐虞列為
五等。此封建之始也。史記曰。神農氏衰。諸侯相侵。則堯

帝時已有諸侯。至黃帝始大封也。

實封 通典曰。唐封諸侯無國土。其加實封者。則食其所封之戶。分食諸郡。以租庸調給。沿革曰。魏黃初間。爵自關內侯。食也。但虛封而已。故唐因之。如寔封。

諸王 古者天子稱王。周失其道。春秋之時。吳楚之君始僭稱王。而各稱王。秦并天下。稱皇帝。除王之名。楚漢滅秦。始謂之諸侯王。蓋諸侯封王。自楚漢始也。

郡王 事始云。後魏始封功臣為郡王。以為王封郡之始。按晉史宗室傳。武帝太康九年。益封子姪為隋郡王。則其

事自晉始矣。然則庶姓功臣之封。而稱某郡王。則自元魏始。國公事始曰。隋文帝始封功臣為國公。

郡公 後漢光武建武十三年。以土無二王。爵不過公。於是以太原王童。為齊公。魯王興。為魯公。功臣遙為公。晉始曰。開國郡公也。

百官 崔寔政論曰。太昊之世。設九扈之官。後有龍瑞。乃以龍紀官。左傳。邾子之論是也。蓋設官之初。原於伏羲。至唐虞。建官惟百。故歷代稱百官焉。

守官 漢有守令。守郡衛以秩。木嘗得而越。受之。故曰守。猶

今之權也。則官之有守。自漢始。宋神宗改官制。始正其名。故有行試守三等。通典曰。試未正命也。階高官卑稱。行階卑官高稱守。

試官 秩林曰。唐武后天授二年。凡舉人無賢不肖。咸加擢拜。大置試官。則官之有試。自唐始也。取尚書明試以功之意。

品階 自太昊以龍紀官。唐虞建官。惟百。未分品秩。周官以九儀正邦國。自一命自九命。漢自中二千石。止二百石。至魏文帝延康元年。陳群立九品官人之法。後魏又有

從品。孝武自四品以下。每品為階。北齊九品各分正從。是則品秩之原。肇於魏陳群也。

世襲 尚書大禹謨。皋陶稱舜之德曰。賞延于世。則世襲之始。起于有虞氏也。

服色 隋禮儀志曰。大業元年。煬帝詔牛弘。宇文愷等創造章服。五品以上通著紫袍。六品以下兼用緋綠。胥吏以青。庶人以白。屠商以皂。士卒以黃。二儀實錄曰。煬帝詔牛弘等。衣冠皆有等差。三四品通著紫。五品朱。六品以下綠。胥吏青。庶人白。商皇服色之分。自此始也。

致仕尚書咸有一德曰伊尹既復政厥辟將告歸疏云告老致政事於君此臣下致仕之初也至周乃有大夫七十致仕之禮其事則自伊尹始。

(勳階爵祿門)

開府漢文帝元年用宋昌為衛將軍位亞三司後章帝建初三年使車騎將軍馬防同三司同三司自此始煬帝延平元年鄧騭為車騎將軍儀同三司儀同之號自此始魏黃權以車騎將軍開府儀同三司蓋漢制惟三公開府至魏以餘官其儀同三公故以為號由此

代以名官唐武德七年以為散官

進漢世諸侯有功德優盛朝廷所敬異者賜位特進在三公下隋文帝以為散官

金紫魏晉以來有左右光祿及光祿大夫皆銀印青綬重者詔加金章紫綬因稱金紫光祿大夫後周為散官

銀青漢世光祿大夫皆銀印青綬魏晉之代亦有金紫之別故號銀青光祿大夫後周以為散官

柱國楚寵官也懷王使柱國昭陽攻齊陳軫問曰楚國何官貴昭陽曰上柱國是也後魏孝莊始立柱國大將軍

後周建德四年又增置上柱國大將軍。隋置上柱國。柱國以酬勲勞實不理事。故唐以為勲官。

師保輔相門

大師 虞官。商時箕子為之。漢官儀曰。紂時胥餘為之。胥餘箕子字也。書微子作誥。父師少師是也。史記周成王為太子。以太公望為大師。續事始曰。周文王得呂尚于蟠溪。以為師。謂之太師。

太傅 通典曰。成王時畢公為之。大戴禮曰。周公始為之。
大保 杜佑云。商太甲時伊尹為之。文王世子曰。虞有師保。

是也。

周有三公。坐而論道。後漢以太尉。司徒。司空為三公。或曰王莽時也。

太尉 漢百官表曰。太尉。秦官。掌武事。

司徒 古官也。管子曰。黃帝得祝融。南方使為司徒。少昊即祝鳩氏為司徒。舜命契曰。汝作司徒。

司空 古官也。管子曰。黃帝得厲龍。辨于東方。使為士師。即司空也。少昊。鳩氏為司空。舜典曰。伯禹作司空。

三台 黃帝以風后。配上台。后土。配中台。五聖。配下台。故後

世由此以三公為三台。

將相 轅軒本紀曰帝舉風后為相力牧為將此蓋將相之始也管子曰黃帝得六相而天下治。

平章 唐有中書門下平章事為宰相之任李靖以疾辭位詔三兩日一至中書門下平章政事因此以名官也貞觀十七年六月高士廉同中書門下平章政事以平章為名始於此也。

參政 唐宰相有參知政事武德元年六月裴寂參知政事貞觀元年九月杜淹參知政事宋太祖乾德二年四月

以薛居正呂餘慶參知政事先是已命趙普為相將用居正等為副太祖問陶穀下丞相一等有何官對曰唐有參知政事故以命蓋帝意未欲令居正等與普齊也錢若水曰按唐故事高宗永淳四年四月郭待舉等並同中書門下平章事帝謂參軍知政事崔知溫曰待舉歷任尚淺且令預聞政事未可與卿同受名稱以此言之平章事亞參知政事矣穀不能詳引故事失之也。

丞相 史記秦本紀悼武王二年初置丞相蓋三代三公之任也應邵曰丞者承也相者助也商鞅書定分篇云秦

孝公問法令於鞅，鞅有丞相置一法官之語，則丞相之置已見於孝公時，非悼武王始置之也。

相國亦秦置官，始皇立尊呂不韋為相國。漢初蕭何亦為之也。

監國史唐百官志曰：貞觀以後，多以宰相監脩國史，遂成故事。

事物紀原卷第八

事物紀原卷之九

漢陽府推官建安陳華批點
致仕教州南平趙弼校正

法從清望門

大學士唐書李泌傳：泌加集賢殿大學士。學士自大自泌始。張說傳：玄宗欲授說大學士，時曰學士本無大稱，中宗崇寵大臣，乃有之。唐百官志曰：景龍二年置也。蓋其名自中宗始。

字孔安國尚書言：秦焚書坑儒，天下學士逃難解散，蓋

以斥承學之士爾晉陶淵明集有學士祖企謝景夷而
晉志不言其官然則亦未聞也。四史宋謝超宗傳齊受
禪高帝令撰郊廟歌有聰明學士劉顯等陳有德教殿
中學士北齊有文林館學士後周亦有麟趾殿學士當
是其稱始於漢晉而命官則起於宋齊也。唐初有東宮
王府等學士齊工元吉亦有文學館學士此後集賢昭
文崇賢翰林寺雜置不一貞觀初開文學館以房玄齡等
十八人為學士宋朝為侍從之臣。

直學士唐書百官志曰武德以後五品以上曰學士六品以上

曰直學士唐高祖有國之初乃有此也。

唐太宗時名儒時時召草制待詔常於北門候進上
號北門學士至明皇改曰翰林待詔已而改為供奉開
元二十六年仍為翰林學士此蓋其始。

資政學士歐公歸田錄曰自唐至五代相承有文明殿大學

士為宰相兼職王欽若為參政真宗特置資政殿學士
以寵之時寇準在中書定其官在翰林下欽若訴於上
曰臣自學士拜參政今無罪而罷班給在下是貶也帝
為特置資政殿大學士班在翰林之上景德二年十二

月也。後世殿學士之名始於此。

承旨職。林曰：唐肅宗至德以後，置翰林學士六人於內，擇年深德重者一人為承旨，所以獨承其密命故也。百官志又曰：元和中，翰林學士以年長一人別承勅旨，或密受顧命，為學士承旨職稱。

脩國史。唐會要曰：貞觀中始置史館。顯慶四年三月始詔劉仁軌等脩史。長安二年，劉允濟又稱脩國史。天祐二年十一月二十九日，勅史館脩撰張策職名稍卑，不稱內庭，密重且稱兼脩國史。蓋太宗始置史館，雖有脩撰之

官，尚未以脩國史為名也。高宗乃以命仁軌等云：又鄴城舊志曰：北齊神武時，魏收自散騎常侍兼中書侍郎脩國史。

脩撰。唐玄宗開元八年始置脩撰于集賢殿。夫寶以後他官兼史職者，亦曰史館脩撰。吳處厚清箱雜記曰：宋太宗與國中趙邦彥等脩撰揚文舉為史館編脩，是特脩撰未列於職。至道中始有脩撰也。

侍講。後漢張酺，顯宗時數進講於御前，每侍講有正教之辭。帝常言：酺侍講，屢諫正及他傳，往往有侍外禁內之文蓋起于此

侍讀玄宗開元三年七月勅每讀史籍中有闕宜選耆儒博碩一人每日侍讀故馬懷素褚無量更日入直此侍讀之始也。

駙馬 駙馬都尉漢武帝元鼎二年初置掌駙馬注曰非正駕車者皆為副馬一曰駙者近也疾也通典袁樞議曰駙馬都尉置由漢武帝以假功臣戚屬齊職儀曰凡尚公主必拜駙馬都尉者自魏晉以來有此號稱蓋以王姬之重配庶姓之輕若不等級豈可合忝所以假之皇女也漢制以列侯尚公主而魏何晏始以婚拜故後代

循用為常制蓋自何晏始也。

三省網轄門

侍中 環濟要略曰古官也黃帝以風后為侍中徐堅初學記曰秦取古官制本丞相之史也丞相使史五人來往殿中奏事故謂之侍中後魏乃為樞密之任深又以為宰相職唐侍中與中書尚書並為宰相。

散騎 秦置散騎又置中常侍本二官魏文帝黃初元年合散騎常侍為一官唐顯慶中分左右隸門下。

給事中 秦漢時有給事黃門之職後漢有給事黃門侍郎。

左右給事中以其事殿中故曰給事中隋初置給事郎煬帝移為門下職唐武德三年改給事郎為給事中

起居周有左右史王言則左史書之動則右史書之此起居之本也漢武有禁中起居後漢馬后自撰明帝起居

注則其事在宮中古女史之職也此始有起居之名隋

煬帝置起居舍人唐貞觀三年省於門下置起居郎

顯慶中於中書置起居舍人以郎為左史舍人為右史

諫正唐武后垂拱中置拾遺補闕掌諷諫中宗時有左右

元中左屬門下右屬中書宋雍熙五年二月詔改補闕為

左右司諫拾遺為左右正言蓋太宗欲令諫官備其職

業故改其官號也

中書令舜納言周內史皆中書之任漢武遊宴後庭始以

宦者典事尚書謂之中書謁者通典曰秦始置中書謁

者漢元帝去謁者二字其品卑而任重隋文帝廢三公

府令中書與侍中知政事遂為宰相之職又職林志謂

漢成帝建始四年改中書謁者令曰中謁者令以士人

為之魏文帝黃初元年改秘書令為中書令也

中書舍人初學記曰魏置中書始置通事一人明帝時有通

事二人

初學記曰魏置中書始置通事一人明帝時有通

事二人

初學記曰魏置中書始置通事一人明帝時有通

事劉恭是也。高貴鄉公改曰通都事。荀尉尋為通事。侍郎晉時置舍人通事各一。東晉合為一職。梁時始掌詔詰。其後除通事。直曰中書舍人。是職本周官。掌平宮中之政。後世改之。掌詔詰也。

僕射秦官。古者重武。以善射者掌事。故曰僕射。又云僕主也。古有主射以督課。漢因秦事。自侍中謁者博士將軍。必永基。洎尚書皆有之。成帝建始元年。初置尚書五人。人為僕射。此蓋其職也。唐宋皆有之。

尚書秦官。秦時少府遣吏四人在殿中主發書。故謂之

尚書。劉向新序曰。齊宣王為上室香車。諫三召尚書。七國之時。已有此官矣。晉志曰。漢光武始分尚書為六曹。通典曰。東漢初尚書雖有曹名。不以為號。及靈帝以梁鵠為選部尚書。於是始見曹名。續事始云。尚主也。出納王命。敷奏萬機。政令所由宣。選舉所由定。罪賞所由正。李固曰。尚書猶天之北斗。斟酌元氣。運行四時。通典曰。周禮。天官冢宰。掌邦六典。以佐王理邦國。先武分六曹。稍以周禮。唐武后以吏部為天官。戶部為地官。禮部為春官。兵部為夏官。刑部為秋官。工部為冬官。以承六官。

之制。宋初以吏兵刑工禮為次。神宗復唐故事，乃以吏戶禮兵刑工為次也。

侍郎 漢制尚書郎三歲則稱侍郎。隋煬帝即位，惟於尚書六曹各置侍郎一人。按漢百官表有侍郎職比四百石也。**郎中** 秦有郎中令，乃秦官也。漢世尚書初稱守郎中。唐以

來號正郎。武德三年尚書郎改為郎中。

負外 隋開皇三年尚書分六曹列二十四司各置負外郎一人以司其曹帳籍。則郎置負外自隋文始也。按漢書惠帝即位賜爵負外郎滿六歲二級則隋置負

外郎亦取漢事云。

司馬 漢初曰常侍曹。後漢為選部。魏始曰吏部。按周公司馬之屬有司士。通典以為吏部云。

司封 左傳晉文公為執秩以正其官。杜預云謂王爵秩之官。漢尚書有封爵之任。後漢馮勤是也。職林曰唐神龍二年改主爵為司封。愚稽即今之文選司。

司勳 周禮夏官司馬之屬有司勳掌賞地之法。後周始置其官於尚書。吏部有司勳之士。今之稽勳司。

考功 漢京房作考課之法。而其職不在尚書。光武改尚

書曰三公曹。主歲考課。至此始為尚書職。魏初置考功。亦唐虞考績之事也。

戶部 周禮地官之事也。漢置尚書四人。一主財帛委輸。即今戶部之任矣。吳始有戶部之名。周禮司民掌登萬民之數。

禮部 唐虞秩宗。周春官宗伯。皆禮部之任也。後周乃有禮部。不言職事。隋以典儀曹其名。自後周始。

兵部 周禮夏官之職。魏有五兵尚書。晉宋為七兵。後周始名兵部。

刑部 唐虞之士。周禮司寇皆刑部也。光武謂之賦曹。為尚書職。後周始有刑部。

工部 唐虞共工。周禮冬官之職。漢置民曹。光武改主膳。脩工作池苑。魏為左民。晉為起部。即後周始曰工部。

事物紀原卷之十一

漢陽府推官建安陳華批點
致仕教諭南平趙弼校正

（持憲儲闈門）

御史大夫 周禮春官宗伯之屬。戰國時秦趙會渑池。各命御史書鼓瑟擊缶之事。淳于髡謂齊王曰。御史在前。是則上世皆為紀事之官也。秦漢以來始糾察風憲。然則御史蓋周官也。秦置御史大夫。以為御史之率。故曰大夫。漢因之。謂之中丞。以其別在殿中。掌蘭臺

秘書外督部刺史。內領侍御史。故名御史中丞。即今之都御史也。

侍御史 周為柱下史。秦時張蒼為御史主柱下文書。是也。是則御史之官始於柱下也。漢始有侍御史。又有繡衣侍御史。自漢武置之。隋直日侍御史。至唐置侍御史。其職有四。謂推彈公解事。臺內之事。悉主之。號為臺端。他人稱呼曰端公。端公之語。自唐始也。

監察 秦始皇之初。以御史監理諸郡。謂之監察。御史監察之名。始於此。隋開皇三年。置監察御史。唐宋因之。

重唐書制云貞觀初馬周以布衣見太宗太宗命周御
史裏行遂以為官名。

三院唐憲府故事御殿中監察呼三院故今呼殿中曰殿
院監察曰察御自唐世始也

賓客漢高祖欲易太子呂后用留侯計迎四皓以定太子
賓客之名且始于此漢文帝為太子立思賢苑以招賓
客孝武為太子立博望苑使賓客唐高宗顯慶元年止
月以于志寧等為太子賓客以官名定置四人取法于四
丞量秦官歷代因之漢加置詹事庶子應劭曰詹給也

給事於禁廷也景帝以詹事為詹事宣帝時以孔霸
太子詹事

詹事唐始于詹事府置少詹事一人以佐詹事
諭德唐高宗龍朔三年初置太子左右諭德蓋取文王世
子以之以事而諭諸德之義

(九寺卿少門)

九卿禮記曰夏后氏始置九卿漢設九卿俱不以卿名官
梁武天監七年始加卿字

少卿後魏大和十五年初置少卿以卿為大卿

太常周禮春官職也。秦為奉常。漢初改曰太常。漢百官表曰：景帝中元六年，改此名。顏師古註曰：太常，王者之旗，畫日月于上，有大事則建以行禮。官持之。秦曰奉常。漢改曰太常，取尊大之義也。

協律郎

漢武帝置，始以李延年为之。

宗正，周官也。在周禮實小宗伯之職。春秋傳曰：周封兄弟之國，十有五，同姓之國，三十有五，選其宗中長者而董正之，故曰宗正。秦因之。漢惟授皇族，不雜庶姓。晉始並庶姓也。唐志曰：星躔有宗正在帝座東南。漢高祖

紀七年二月，置宗正官，以序九族。用公侯任之。宋仁宗景祐三年，謂輔臣曰：宗室子孫衆多，必以尊賢者糾治之。詔置太宗正司，擇祖宗後各一人命之，首以濮安王與守節任其事。後以同姓庶官知丞事。

光祿，漢書曰：秦為郎中令，掌宮殿掖門。武帝太初元年，改名光祿，勳深除勳字。白光祿卿續事始曰：秦設此官，掌宮殿門戶，郊祀主諸郎將在殿中侍衛。北齊兼膳至隋，全掌膳，不掌宮殿之事。

太僕，周禮夏官司馬之屬，尚書罔命。穆王命伯冏為周太

僕正則是太僕乃周官也。應劭曰：為太卿，眾僕之長。
大理。齊職儀曰：古官也。春秋元命包曰：堯為天子，得皋陶
聘為大理。舜時為士師。韓詩外傳有晉文公使李離為
大理。劉向新序：楚平王以伍奢為大理。大理之名自古
有矣。秦為廷尉。漢初因之。至景帝中元中，更名大理。蓋
復古號也。孟詵錦帶前書載三代法官之名，則曰：虞曰
士，夏曰大理也。

評事。漢宣帝地節三年，初置廷尉左右評。魏晉無左右，直
曰評。隋煬帝時始為評事。

東西使班門

翰林。宋朝會要曰：唐制百職有九等，寺三監分典。開元中
始置諸使，朝廷有詔，則云諸司諸使以該之。

翰林。宋朝會要曰：唐有翰林使掌技術之待詔者。五代有
翰林茶酒使。宋朝初有茶床使，後改為翰林使。

御廚。唐會要曰：昭宗天祐元年四月，勅有御廚使。

軍器。唐會要曰：乾元元年六月，勅軍器監改為軍器使。以
內官為之。又曰：六月十二日廢置使也。宋朝會要曰：天寶四
年五月，以軍器使楚昭輔為左驍衛將軍，則是宋朝緣

唐制有其官也。

儀鸞院宋朝會要曰。唐置營幕使。後置同和院。梁開平初。改儀鸞院使。宋朝亦置之。

絳錦坊唐書百官志。少府所隸。武后垂拱元年。有絳錦坊。宋朝會要曰。乾應中。以平蜀所得錦工。置絳錦院。宜自此始。置使也。太平興國二年。分東西。

鑄錢唐有鑄坊。球坊使。五代合為一使。宋朝因之。

作坊唐百官志曰。少府之屬。有金銀作坊院。宋朝會要曰。唐有作坊。五代置使。宋朝因之。

監丞隋煬帝置。與司業同設。掌判監事。

博士班固云。六國時有博士。掌通古今。漢多至數十人。晉

武帝初置五經博士。

正錄宋仁宗朝。胡瑗掌大學。其正錄第補諸生。學正五人。學行學規。凡諸生之戾規矩者。待以五等之罰。學錄五人。掌佐學。正糾不如規者。

事物紀原卷之十 畢

事物紀原卷之十一下

漢陽府推官建安陳華批點
致仕教諭南平趙弼校正

環元中貴門

大將軍 史記義帝號宋義為將軍。漢以宮祿為上將軍。魏

文帝黃初中。有大將軍。唐德宗貞元元年。諸衛各置
上將軍。老子曰。君子用兵。則貴右。是以偏將軍處左。上
將軍處右。以是言之。則古有上將軍之官也。

大將軍 戰國時始有大將軍之號。隨事即置。亦不主官。劉

劬爵制云。秦有十八爵。大庶長。即大將軍也。左右庶長。即左右偏裨將軍也。楚懷王與秦戰。秦虜其大將軍屈。丐。漢楚時。項羽稱范增為大將軍。漢遂因之。遂置大將軍。開府如三公。至隋煬帝於諸衛悉置也。

將軍 周禮天子六軍。一軍一萬二千五百人。其將皆命卿。蓋在國則稱大夫。在軍則稱將軍也。後漢有官志曰。初漢列將軍始自秦晉。以為鄉號。七國皆有其事。漢以來命官極多。所以雜封其名號也。

諸衛 左傳楚潘崇掌環列之事。謂宮衛之官。列兵而環上

宮也。漢京都有南北軍。掌理禁衛則衛亦秦之舊制也。晉武重兵官。選清重之士置於軍。以統諸衛。此諸衛之始也。

北衛 隋初為領軍府。煬帝改為左右北衛。唐更為威衛。五代周太祖時避名復曰北衛也。

千牛衛 宋謝綽拾遺記。千牛。人主防身刀也。取莊子庖丁解千牛。而刀刃若新發。矧之義。故後魏有千牛備身。掌執御刀。唐顯慶五年始置左右千牛府。龍朔三年改府曰衛。

醫官宋朝會要曰太宗淳化五年八月以翰林醫官趙白為少府監丞充醫官副使唐會要德宗貞元八年八月令侍御醫尚藥直長藥藏郎並留授翰林醫官然則醫官之制當是唐官也

教坊唐百官志曰開元二年置教坊於蓬萊宮側京都置左右教坊掌俳優雜劇以中官為教坊使此其始也又曰武德後置內教坊武后改曰雲韶府以中官為使開元後始隸於大常也

橫行武列門

內客省使唐初諸功臣傳往往有內客省之語而今有內客省使蓋唐所置也

客省使漢有公車司馬令掌天下上章四方貢獻闕下蓋唐客省之職也唐會要曰永泰已後多事四方奏計或連歲不遣乃於右臺門置客省以居之上書言事蕃戎將吏蓋於此待報唐書李師道使崔承慶入奏待命客省是也會要曰昭宗天祐元年四月勅有客省吏宜自代宗始命其職也

引進使五代會要曰梁雜使有引進使國朝會要曰五代有內外馬步軍都番頭漢都引進使宜漢官也

四方館使 通典曰魏改漢大行令為客館令宋初置南北客館周
署東西南北四當客後乃為四方館國朝會要曰淳熙四年改
置使名掌文武官正謝辭國忌賜香諸道月旦正至章表郊
祀朝番官貢舉人進奉使京官致仕官道釋父老陪位之事
館使之制宜自此始。

閣門使 五代唐天祐二年初東上西上閣門制置各別國朝會要
曰橫班有東上閣門使西上閣門使凡取稟旨命供奉乘輿
朝會游宴及贊導三公群臣番國朝見詳謝糾彈失儀之事
使副專之政如橫班使副之名改為大夫 其後所除總名如閣

門事仍無客省四方館之職。

通事舍人 故事閣門無通事舍人沿唐制自 中書省如

抽赴門門並稱閣門祇候其後直授閣 事舍人非

舊制也天禧中去閣門二字則通事舍人 自宋始也

樞密承旨 五代有承旨副承旨以諸衛將軍 太平興國

中以楊守一充都承旨都承旨自守一始也 時都副承

旨多用士人神宗遂用吏熙寧二年始以東上閣門使李

評為樞密都承旨李綬為之副不用院吏而更用士人

自評始也。

宣政使淳化五年以王繼恩有平賊功特置此名授之談苑
曰宋太宗時內侍王繼恩平蜀李順之亂中書議以為宣
徽使上不欲宦者預政召張洎錢若水議置宣正使在昭宣
使之上也

昭宣使淳化四年置昭宣使初以皇城使王延德繼恩莊宅
使杜彥鈞為之又曰諸司使舊無此額詔旨特置在此年二月也
左右侍禁談苑曰宋太宗雍熙四年增置左右侍禁宋朝
會要曰淳化二年正月置左右侍禁在殿直之上先是
供奉官殿直有四十年不遷者故時崇班侍禁之

鴻臚書曰秦為典客掌諸侯四方歸義蠻夷漢改曰大
鴻臚梁武除大字應劭曰鴻臚聲傳之也聲傳讚道也
劉熙曰鴻大也臚陳也以禮序陳列儀容也

司農少昊九農正也舜為后稷秦為治粟內史漢景以為
司農

太史令少昊為鳥氏為歷正夏后口太后周禮為春官宗
伯之屬秦為太史令唐肅宗乾元元年改司天監

宋朝因之

五官正通典曰唐肅宗乾元元年改太局為司天監置五
官正謂春夏秋冬中也

保章氏 周禮春官宗伯之屬有保章氏掌天文以志日月星辰之變動辨其吉凶此官之始。唐乾元元年改監其小史有保章氏乃改為保章正也。

國子祭酒 漢置博士至東京凡十四人而聰明威重者一人為祭酒謂之博士祭酒。胡廣曰凡官名祭酒皆一位之元長古者賓得主人饌則老者一人舉祭酒以祭地故以祭酒為名此國子祭酒之名所由始也。

司業 隋煬帝大業三年始于國子監置司業一人禮曰樂正司業。父師司成因以為名。

